

Universitätsbibliothek Paderborn

Venerabilis Patris Thomæ à Jesu ... Opera Omnia

Homini Religioso Et Apostolico Tam Qvo Ad Vitæ Activæ, Qvam
Contemplativæ functiones utilissima, Duobus Tomis Comprehensa. In
Qvibvs Singvlari Pietate, Varia Ervditione Clariori Et Breviori Stylo
Continentvr Et Explicantvr ...

Tomás <de Jesus>

Coloniæ Agrippinæ, 1684

Pars IV. De Communicatione in genere cum Infidelibus.

urn:nbn:de:hbz:466:1-38601

arbitrio boni viri, qui expensis prudenter & mat-
ture, postquam DEUM assidue oraverit, omni-
bus circumstantijs, maximè utilitatis, qua effusio-
nen proprij sanguinis sequetur, an (inquam) ma-
jor futura sit utilitas animarum, ut si probabili-
ter fructus aliquis tam pro adducendis infidelibus
ad Christianam Religionem, quam confirman-
dis, & stabiliendis Catholicis in fidei confessione
speretur. Et hoc est quod voluit D. Isidorus d. cap.
23. ubi supra: cujus verba si rectè considerentur
duo apud simile explicant. Primum, quando ultra se

quis debeat offerre labori: non enim dixit marty-
rio (hoc enim direcè non licet) sed labori, id est,
opere aliqui bono cum labore coniuncto, ad
quod sequatur martyrium. Secundum, quando
declinandus sit ille labor, qui ansam prebet mar-
tyrio, quando vero sit amplectendus, licet Scho-
lastes ibi non fuerit assecutus mentem

Isidori. Hæc sub iudicio
doctiorum.

DE PROCURANDA CONVER- SIONE OMNIUM GENTIUM.

LIBRI V

PARS IV.

De Communicatione in genere cum Infidelibus.

D V B I V M I.

An, & quatenus liceat communicare
cum Infidelibus tam in con-
versatione, quam
in alijs?

In fideles alij numquam in Ecclesiæ gremio fue-
runt, ut Gentiles, & Judæi: Alij fuerunt aliquando
in ea, & in illos habet quoddam jus Ecclesia
ratione baptismalis characteris, ut heretici &
schismati. Præterea communicatio, aut contin-
gente potest in actionibus non spectantibus pro-
priè ad infidelitatem, ut in politica conversatione,
& convictu &c. aut eis in ipsius actionibus infide-
litatis, quæ spectant ad cultum superstitionis, id-
que vel directè, ut simul cum infidelibus factifi-
cando idolis; aut indirecè aliquo modo, ut suppe-
ditando infidelibus materiam ad cultum supersti-
tionis.

Conclusio prima. Nullatenus liceat cum infidelis-
bus communicare in aliquo opere infidelitatis di-
rectè: nam omnia hujusmodi opera sunt per se
mala.

Conclusio secunda. Certum est non licere extra
causas necessitatibus communicare ullo modo cum
infidelibus hereticis, apostatis, cum sint ab Eccle-
sia excommunicati: quod tantum intelligi debet,
de hæc icis nominatum excommunicatis, juxta
tenorem Extravag. Ad evitanda: de qua nos *infra*
lib. septimo latius dicemus, agentes de communica-
tione cum hereticis.

Conclusio tertia. Cum infidelibus alijs, qui nec
sunt heretici, nec apostatae, licet possunt politice
communicare illi, qui sunt in fide solidi, quoniam
tales infideles non sunt excommunicati ab Eccle-
sia, cum sint extra illam, & aliunde nullum runc
imminet periculum ex illorum conversatione.
Qui autem infirmi sunt, non debent cum hujus-
modi infidelibus communicare: nam exponerent
se periculo, ut doceat D. Thom. 2. 2. quæst. 10.
art. 9.

Thom. à JESU Oper. Tom. I.

Conclusio quarta. Liceat Catholicis vendere infi-
delibus ea, quibus constat eos abusus ad super-
stitionis cultum, justa & rationabilis causa, ut ver-
bi gratia, vendendo Judæis agnum, instante festo
Paschatis, aut idolum aliqui gentilium. Ita docet Gre-
gor. de Val. secunda secunda, quæst. 10. punct. quinto,
secutus Sylvester. *Infidelitas*, quæst. quarta. Ubi
rectè distinguit de causa, qua inducitur quis, ut
rem suppediet infidelitatem vel illa est rationabi-
lis proper necessitatē aliquam, & tunc licet
erit suppedire quamcumque rem quo cumque
modo destinatam ad malum usum, quoniam non
teneat quis cum notabili detrimento suo, consu-
lere spirituali indemnitati alterius, sed potest com-
moditatē suam spectando negligere lapsum al-
terius spirituale, quando non tenetur illum vi-
tare. Si vero quis non habeat causam rationabilem
suppedandi, vel vendendi rem infideli, qua is est
abusus, peccabit suppedando, quoniam ex
charitate tenerit quilibet quantum in se est impe-
dire peccatum proximi, si hoc potest, absque notabili
detrimento. Ita docent hi auctores, & exi-
stunt distinctio nē hanc rationabilis, aut ira-
tionabilis causa pro regula habendam in hujus-
modi, & similibus casibus, quando præbemus
materiam peccandi sine intentione, ut possimus
discernere quando sit peccatum ex parte nostra, &
quando non. Cajetanus vero *Secunda secunda Cajetano*,
quæst. 169. art. secundo ad quartum, alia usus est
distinctio. Aut enim, inquit, quæ venduntur pa-
ganis, per se ad superstitiones eorum ritus, aut ce-
remonias spectant, ut idolum, vefis sacerdotialis,
superstitiofæ fana, sive synagogæ superstitionis usi-
bus destinata; aut sunt res medie, & indifferentes,
ut sunt herbe, flores, animalia, &c. Prioris generis
res non licet vendere infidelibus: posterioris vero
generis licet ex mente Cajet. vendi possunt. Hæc
circa communicationem cum infidelibus in gene-
re dicta sufficiunt; cetera, quæ peculiariter spectant
ad communicationem tam cum hereticis, schis-
maticis, Judæis, & Saracenis, quam cum Gentibus
habendam suis proprijs locis laius prosequen-
mur.

Interim tamen illud animadvertere oportet,

ad Missam audiendam non debere admitti infideles, Ethnicos, Judaeos, Hereticos, Excommunicatos, Interdictos, Schismaticos, Incestuosos, Simoniacos, Infames. Cap. Cleros disfiniti. 21. & alibi sepius in jure Canonico haberur expressi. Possunt tamen hi omnes ad prædicationem verbi Dei audiendam cum ceteris admitti, si non sunt denunciati, ut vitentur iuxta Cap. Episcopus nullum de consecratis distinet. prima. Cap. Judicii quorum, de consecratis, distinctione, quæ sunt glossæ, quæ conciliant capitula quæ videntur contraria; de quo Navar. Manu. cap. 25. num. 56. & cap. 27. num. 36. adquintum dubium.

Est tamen inter Infideles, & Fideles excommunicatos, aut interdictos denunciatio specialis differentia: nam propter infideles advenientes non deseritur Missa jam incepta. Propter excommunicatum autem vel interdictum denunciatum adstantem, Missa cœpta est relinqua, si ante initium sacri Canonis, seu ante consecrationem accedit, donec talis exeat Ecclesiam, monentibus ceteris adstantibus. Quod si nollet exire, ejiciatur ab eis; sed si meutetur feditio & sanguinis effusio, Missa relinqueretur à Sacerdote, omnesque abibunt.

DE PROCURANDA CONVERSIONE OMNIUM GENTIUM LIBER VI.

De unione Schismaticorum omnium cum Ecclesia Catholica procuranda.

P R O L O G V S.



Venerabilismodum divinae charitatis unio, quæ membra Ecclesiæ vivo suo capiti Christo coaptat & adstringit, DEO gratissima est: ita vehementer displicet membrorum divisio, quæ spiritum pacis & dilectionis extinguit. Quamobrem qui inter veros Ecclesiæ filios rem DEO acceptissimam facere cupiunt, in conversionem Schismaticorum, qui ab Ecclesiæ Romanæ corpore seipso diviserunt, serio incumbere deberent: quod subiectis rationibus persuaderi videtur.

Prima: Negari planè non potest, quin Ecclesia Latina Graecæ, & alijs Orientis provincijs, ubi schisma gravatur, plurimum debeat, cum ab eis pretiosissima bona, antequam scinderetur, receptorum. Floruerunt quippe ibi Patres sanctitate ac doctrina celeberrimi, quorum monumentis erudimur, & ad pietatem incendimur. Quis ergo non videat, dolendum esse, quod pars Ecclesiæ nobilium germinum productrix se à summorum Pontificum obedientia subtraxerit? eoque dolore una cum gratitudinis stimulo ad schismaticorum reductionem non exciteatur?

Secunda: Clarissima Concilia in Ecclesia Graeca ac Orientali celebrata sunt; & prefectò pios animos intimè movet divisio ejus partis, in qua unio tot sanctorum facta, & ad commune totius orbis bonum derivata fuit. Quocirca pro parte illa resarcienda JESV Christi famuli strenue labore deberent.

Tertia: Ipsa gentis ruditas summa commiseratione digna est, præsertim si cum vitorum colluvie conjugatur. Et quidem è amplius adjuvanda esset, quod saluti propinquior est, cum minus quam infideles, à Christo recedat. Ordo enim divinae charitatis exposcit, ut è plus dilectionis impendatur, quò quis eobis conjunctior est.

Quarta: Notum est ex schismaticis aliquos hac etate nostra misisse Legatos, qui summis Pontificibus obedientiæ obsequium redderent, pro his, qui Romanum venire nequivant. Et licet postea ad vomitum redierint, fortasse non prorsus tota defectionis causa in eorum fragilitatem refundenda est, cum probabile sit multis ex ipsis in Ecclesiæ obedientia fuisse perseveraturos, si ministros Latinos facti fuissent.

Denique charitas ipsa validissimam rationem producit, ut quo quis DEO conjunctior est, è fortius omnem divisionem à proximorum animis depellat. In ea vertò missione, quæ ad Schismaticos instituitur (ut admixtos Schismaticis hæreticos præteream) pro charitate pugnatur, quodam scilicet prælii genere, quod veros Christi amicos decet: qui ferre non possunt Christi vestem discindi. Atque utinam Ecclesiæ Principes in adunando grege diviso plurimum auctoritatis & operar, igne charitatis incensi, ponerent, ut fieret Christi vestis contexta per totum, & antiquæ sanctitatis forma rediret.

Schismaticorum autem reductionem in duo præcipua capita dividemus. Primum erit de Graecorum ac Ruthenorum procuranda salute. Dicende de Orientalibus omnibus juvandis, quorum maximus est numerus, Deo dante, dicemus.

LIBRI